

Ленинә диилвртә туг Маниг омгшрулна

Ленинә нерн мөнък. Ленин—мана туг.

Кезәд чигн, гражданск даяна мартгдшго тер хол цагла болвчн, эдл-ахун төвкнүн саамин тосхлтла болвчн, төрскн орн-нутган харсгч даяна күнд джилмүдлә болвчн, цуг йир-маран цагла болвчн, даяч кергүд күцәлгүнднь болн туур-төрмүд хагъллгүнднь, Ленинә нерн, түүнә диилвртә туг хальмг күч-көлсчнриг омгшрулдж йовла, цаарандан чигн омгшрулхмн болджана.

Хальмг келн-әмтнә хувнь болн джиргълнь Ленинә нерн-лә холвата. Хальмгин түрүнък мөртә цергчнр гражданск даяна цагла, советин йосна төлә ноолддж йовх цагла, Ленинә нертәгъяр даянд ордж йовцхасмн. Мөнък, алдр, туур-сн нертә, зөрмг йовдлмудан гаргъхларн, төрскн орн-нутган харсгч даяна героймуд бас Ленинә нертәгъяр кедж йовсмн.

Советин орн-нутгин олн-амтн, ноолданд алдршгсн, неран туурулгсн Коммунистическ партин болн мана гарлцсн Советск правительствин гардврт, класс уга коммунистическ обществ тосхлгүндан цуг нарта делкән тууджд оргч диилвр бәрв.

Коммунизмн төлә ноолданд, ленинизмн диилвртә тугдор, советск обществин цуг чидлмүд негн мет ханьц-цхав, политическ халхарн, ухан-седкләрн, тоолврарн, сонъсгдад уга, үзгдәд угагъяр ницддж чанъгърдж батрсн деерән, СССР-нолн келн-әмтн хоорнд эвдрлт уга иньгллгүни ницл-лгүн лавта кевәр үүдв.

Келн-әмтнә ленинск политикин хаалгүи баттагъяр бәрдж йовх, гүн медрлтә, хурц ухата мана Коммунистическ парть болн Советск правительств, мана орн-нутгин олн келн-әмтнә иньгддж ницлгүи цааранднь улм чанъгърул-хин тускар болн Советск обществин баттагъяр улм ханьцул-хин тускар сүл джилмүдт кесг төрмүд күцәв.

Хальмгин, карачаевск, балкарск, чеченск болн ингушеск улсин келн-әмтнә автономинь хәрү босхкин тускар гаргүдсн, мана Коммунистическ партин Централън Комитетин болн Советск правительствин, тууджд оргч шиидвр цугтадмдн медгддг бишй. Эн улсин келн-әмтнә автономинь хәрү босхдж өглгүн—эднә тускар гаргүдсн буру йовдлиг болн эндүг зөргтә кевәр чиклгүн болджана. Иим болсна учрар, эврәннь эдл-ахугъан, мал-герән болн культуран түр-пәр өбдлүллгүнднь, эн келн-әмтсин өмн у өргн хаалгъ тат-гдджана.

Партин болн правительствин эн шиидвриг, мана танъгъ-чин күч-көлсчнр цугъарн йир ик байрта кевәр тосдж, элдү гидг омг зүүцхәв. Эврәннь нерән гуташгогъяр, партин болн правительствин үзүлсн ачиг мартшгогъяр, итклинь лавта-гъяр бәрхәр, мана танъгъчин күч-көлсчнр цугъарн, тер до-тр хальмг амтс чидлән әрвлл уга кәдлдж йовцхана.

Коммунистическ парть болн мана гарлцсн Советск правительств хальмг амтсд тасрхан угагъяр, ик гидгәр дөнъ-кд үзүлджәцхәнә. Тер үзүлджәх дөнъ-нөкдиг мана олн-әмтн йир саянәр медджәнә.

Партийн организацин гардврт, кәдлмшт дурта мана халь-мг олн-әмтн, партин болн правительствин үзүлсн ачд, эврән-нь шултта кәдлмшәрн, эврәннь эдл-ахугъан болн культу-ран түргәр өбдлүллгүәрн хәрү өгч, СССР-н ах-дүүнр бол-гч олн келн-әмтсин өрк-бүлд, коммунизмн диилврүр, ура-лан йовхнь лавта.